

集一切福德

古籍

一味經

中

百四十二  
及五

48201



元祿九年丙子二月日重脩

皇國翠園 帝階綴昌

佛日增輝 懋輪常轉

山城州天安寺法金剛院置

Handwritten notes in cursive script on the right side of the page, including the characters '五' and '六'.

集一切福德三昧經卷中

姚秦三藏法師

鳩摩羅什譯

及

尔時佛告淨威力士善男子。去何菩薩摩訶  
薩淨戒莊嚴。謂戒淨無缺。不捨學戒。愍於毀  
禁。極敬持戒。淨身三業。淨口四過。淨意三業。  
自成十善。教他十善。不目稱譽。不起戒慢。勤  
進修戒。頭陀德中心不動轉。住於聖種。自護  
已心。不見他過。不作眾惡。不願諸有。亦不喜  
樂。勸他修善。勤營助他。不希望樂。勸人布施。  
不捨阿練若處。為病給使。作已歡喜。如說如  
作。失利不憂。得利不高。毀譽稱譏。及與苦樂  
心不傾動。斷除愛恚。不懷怨嫌。修行慈心等。

視怨親不以戒自高不向餘乘不禮餘天捨  
離諸見善覆使纏斷除滅悔捨財無悔心生  
歡喜不生諸有心不願樂忍於疲苦善護進  
心遠離著心不驚怖畏無生法忍善男子善  
薩摩訶薩為集此戒乃至失命終不毀犯不  
為王位護持禁戒不為生天不為帝釋不為  
梵王護持禁戒不為封邑不為自在不為妙  
色護持禁戒不為端正不為名稱不為讚歎  
不為利養不為恭敬不為活命不為飲食不  
為卧具不為病藥護持禁戒不為眼色不為  
耳聲鼻香舌味身觸心法護持禁戒不依倚  
色不依受想行識護持禁戒不依欲界色界

無色界護持禁戒不畏地獄餓鬼畜生不爲  
救護護持禁戒不畏人道貧窮困苦護持禁  
戒不畏天道貧窮困苦故護持禁戒不畏龍夜  
叉軋闍婆阿脩羅緊那羅迦樓羅摩睺羅伽  
貧苦惱故護持禁戒爲佛種故護持禁戒爲  
住聽法如聞而行護持禁戒爲僧種故護持  
禁戒爲欲出過生老病死憂悲苦惱故護持  
禁戒爲欲解脫諸衆生故護持禁戒爲安樂  
利益諸衆生故護持禁戒欲住佛法故護持  
禁戒欲轉法輪故護持禁戒爲集聖種故護  
持禁戒爲不斷佛法僧種故護持禁戒爲妙  
神通故護持禁戒爲戒定慧解脫解脫知見

故護持禁戒爲神足變化應現無方護持禁  
戒如是持戒不毀不缺不穿堅實無所作爲  
具足成就精妙無染清淨香潔智者所讚諸  
佛所歎如法修行堅固真實若菩薩成就如  
是持戒不失十法何等十法謂不失於轉輪  
王位旣在是位不生放逸希望欲得無上菩  
提願得見佛不失帝釋旣在是處不生放逸  
希望欲得無上菩提願得見佛不失梵王旣  
在是處不生放逸希望欲得無上菩提願得  
見佛淨信正真不失聞法如所聞法善能分  
別不失攝取菩薩智慧不失無斷無礙辯才  
不失集聚一切善根不失一切諸佛聲聞緣

覺所讚不失疾能通達一切諸佛智慧若菩  
薩成就如是持戒不失此十法菩薩成就如  
是戒聚諸天常禮諸龍宗敬夜叉常供諸軋  
闍婆亦常供養阿修羅敬侍諸王婆羅門長  
者居士皆尊重之智者常趣諸佛常念諸天  
世人常師事之常愍衆生若菩薩如是淨持  
戒聚不生四處除化衆生何等四不生邊地  
不生無佛國不生邪見家不生惡道菩薩如  
是淨持戒聚不生四處復次善男子菩薩如  
是淨持戒聚不失四法何等四所謂不失菩  
提之心不失念佛不失聞法旣聞法已乃至  
無量阿僧祇劫而不忘失是爲菩薩淨持戒

聚不失四法善男子若菩薩如是淨護戒聚  
不值四處不值法滅不值刀兵劫不值飢餓  
劫不值劫燒菩薩如是淨持戒聚不值是四  
復次善男子菩薩如是淨持戒聚得四勝法  
謂不誑佛不誑諸天不誑衆生不誑自心菩  
薩如是淨持戒聚得四勝法復次善男子菩  
薩成就護持戒聚離十種畏何等爲十離地  
獄畏離畜生畏離餓鬼畏離貧窮畏離不稱  
讚畏離諸纏畏離諸聲聞緣覺位畏離天龍  
夜叉軋闍婆阿修羅迦樓羅緊那羅摩睺羅  
拘辦荼羅刹等畏離魁膾刀杖火毒等畏離  
諸師子虎豹熊羆及多勒叉狐狼蟒蛇猫鼠

百足毒蛇蛆蠅王賊等畏菩薩如是住淨戒  
聚離十種畏善男子菩薩持戒則能發起一  
切佛法乃至起於無上菩提何以故若有持  
戒便有三昧若有持戒便有智慧若有持戒  
便有解脫若有持戒便有解脫知見善男子  
云何名戒戒者名爲寂調結使以何緣故名  
結使以染汙三有諸衆生故名爲結使云何  
名寂無妄想無分別無起著永不思念一切  
諸法故名寂調一切結使善男子若菩薩摩  
訶薩不如是知寂調結使是不名爲戒聚清  
淨何以故若不能知寂調使結雖生梵世猶  
爲結染乃至非想非非想處猶爲結使善男

子是故當知寂三界結名淨戒聚。介時淨威  
力士白佛言。世尊若離三界諸結。使染名淨  
戒聚。世尊何故爲菩薩時離三界結。還生其  
中。介時世尊告淨威力士善男子。菩薩摩訶  
薩不以自結生於三界。以方便故。同在三界  
無三界結。化衆生故。善男子。假使人天能畫  
虛空。現諸色像於意。云何爲希有。不如是世  
尊如是善逝。是人所作。甚爲希有。佛言。善男  
子。菩薩捨離一切使結。處在三界現三乘化  
是乃希有。淨威力士言。世尊是菩薩成就住  
解脫門。憐愍衆生。還住三界。世尊譬如有入  
從魁贈所得。全身命。旣得脫已。復還其所。而

語之言汝今殺我莫殺餘人卍尊是三界者  
如魁魘舍一切衆生喻應死者生死諸行猶  
如魁魘從得脫者猶如菩薩脫三界已爲化  
衆生爲脫衆生還住三界卍尊是菩薩大悲  
諸聲聞緣覺所不能及何以故聲聞緣覺無  
是大悲無善方便無淨戒莊嚴卍尊復告淨  
威力士善男子云何菩薩摩訶薩善能修習  
多聞莊嚴求學多聞善男子菩薩摩訶薩於  
諸和上阿闍梨所恭敬供養尊重讚嘆隨教  
誨行除捨憍慢速受教誨於正法中生起藥  
想於和上阿闍梨所生起佛想於自身所起  
病人想於說法者起明醫想爲集佛法不愛

身命於諸財物衣鉢之餘起惱結想雖具封  
祿不生愛著爲重法故一切悉捨爲護正法  
應捨一切世間珍寶爲得法樂應捨一切名  
譽讚歎爲得法王捨諸玉位爲捨一切諸結  
使故應當勤修習法相應爲救一切諸衆生  
故應當勤修習法相應菩薩摩訶薩修習諸  
法者一切善根自然而得是故善男子菩薩  
摩訶薩欲成菩提欲豎立智柱應修多聞善  
男子如帝釋堂因柱得住三十三天在中歡  
樂如是善男子由菩薩智柱一切天人悉蒙  
受樂善男子若有菩薩發菩提心菩提所攝  
言欲作佛於多聞中而不勤修於諸衆生最

為無智是故善男子菩薩摩訶薩應勤精進  
修習多聞諸衆生中為多聞柱是時諸天歡  
喜踊躍是善丈夫堅牢精進修習智慧必能  
獲得於佛十力是善丈夫當以慧力斷諸結  
網是善丈夫當演說法斷於一切衆生結使  
是善丈夫當往至彼菩提樹下諸佛坐處是  
善丈夫當以自力降一切魔是善丈夫當轉  
十二行相法輪善男子若有菩薩修多聞時  
一切魔宮皆悉闇蔽三千大千世界魔王皆  
悉憂惱作如是言是人今者勝過我等其餘  
魔天各作是言是人降伏於我等主我等一  
切悉屬是人何以故善男子由是菩薩集多

聞慧能寂結使以無結使魔不得便已有多  
聞則能分別既能分別則能修行已能修行  
魔不得便修多聞者遠離邪見得住正見已  
能正住魔不得便則能正修已能正修能分  
別義離諸非義便能正度義及非義善男子  
以是因緣故應如是知善男子菩薩修習是  
多聞時除四種魔所謂陰魔煩惱魔死魔天  
魔善男子如本菩薩集多聞時欲法利法善  
住於法我今少說善男子乃往過世阿僧祇  
劫無量無邊不可思議尔時有大仙人名曰  
最勝仙住山林中具五神通常行慈心作如  
是念我今山中修行慈心無所利益不但慈

心能滅衆生無量劫中所集煩惱生此慈心  
能起正見復作是念因於何事能起正見作  
是念言有二因緣能起正見謂從他聞聞已  
正思以是二法能生正見是時便生求多聞  
心當從何處得聞善說爲法因緣集法相應  
尔時仙人至諸聚落封邑郡縣王城處處推  
求多聞了不能得說法之師時魔天子來至  
其所作如是言我今有佛所說一偈是最勝  
仙聞佛偈名即語之言爲我演說時天報言  
汝今若能剥皮爲紙以血爲墨拮骨爲筆書  
寫此偈乃當相與佛所說偈善男子時最勝  
仙作是念言今我此身無量生死在在處處

賊兵魁贖百千劫中常以無事墮在彼手利  
刀割截分解支節或為欲故或財利故殺縛  
捶打繫閉呵罵受無量苦都無利益唐受割  
截我今當以此不堅身易得妙法歡喜踊躍  
我得大利聞是法語於此天所生師宗想即  
以利刀自剥身皮乾以為紙復刺出血用以  
為墨復拊其骨削以為筆合掌向天而作是  
言天為我說佛所得偈如先所勅剥皮為紙  
出血為墨拊骨為筆我悉作已善男子時魔  
天子見最勝仙恭敬為法見已愁悴即便隱  
去善男子時最勝仙見天沒已作如是念我  
今為法生恭敬心剥皮為紙拊骨為筆我今

如此恭敬求佛法而是善根終不敗亡若我  
此言誠實不虛起慈悲心為諸衆生不惜身  
命剥皮為紙出血為墨拚骨為筆若我至心  
誠實不虛餘方世界大慈大悲能說法者當  
現我前善男子最勝大仙作是語時一念之  
頃東方去此佛土三十二佛刹彼有國土名  
普無垢是中有佛号淨名王如來應供正徧  
覺今者現在知最勝仙心念所作亦欲教化  
是閻浮提諸衆生故譬如壯士屈申臂頃乘  
空而來到是最勝仙人前任及五百菩薩是  
淨名王如來放大光明徧照彼林天雨衆華  
時彼樹林枝葉華果皆出法音尔時無量百

千万億諸天來集是時彼仙得淨名王佛光  
觸身已苦痛悉除還復如故無有瘡癩尔時  
彼仙頭面敬禮佛世尊足右遶三匝合掌頂  
上白淨名王佛而作是言世尊是我師善逝  
是我師世尊我今歸依佛歸依法歸依僧惟  
願世尊為我說法我聞法已不信衆生行邪  
見者壞正見者行黑闇者導示正故而為說  
法善男子尔時淨名王佛因最勝仙及諸天  
子諸菩薩等為其演說此集一切福德三昧  
法彼天衆中八千天子本種善根皆發無上  
正真道心最勝大仙得大喜悅生於大信得  
無尋辯彼佛如來復為演說八金剛句何等

八一切諸法性本淨句一切諸法離結使故  
一切法無漏句盡諸漏故一切法離窠窟句  
過窠窟故一切法無門句無有二故一切法  
普遍句示解脫門故一切法無去句無去處  
故一切法無來句斷諸來故一切法三世等  
句去來現在無二相故彼淨名王佛演說如  
是八金剛句是中開解一切法義復更演說  
餘八法門令菩薩摩訶薩疾成就智何等八  
謂一切法名字門以名分別一切法故一切  
法音聲門以言分別令歡喜故一切法共要  
門一切諸法決定相故一切法言說門虛弄  
自在故一切法自相門離他相故一切法畢

竟盡門無所有故一切法分別門從分別有  
故一切法平等門等一味故最勝是名八法  
門疾成就智最勝復有八字種子門能成就  
於無盡辯才何等八一切法阿字種子門示  
法無生故一切法闍字種子門示第一義法  
故一切法那字種子門示字名色故一切法  
遮字種子門示現一切法調伏故一切法婆  
字種子門示一切法入平等故一切法多字  
種子門示如不壞故一切法迦字種子門滅  
苦業故一切法摩字種子門究竟成就斷一  
切法故是名八字種子門能成就於無盡辯  
才是故最勝是八字種子句門八法句門八

金剛句門正念修行常離憤鬧恒善思惟觀  
察修習功德之利善男子淨名王如來說是  
法已放大光明徧照世界震動大地即沒不  
現與諸菩薩還至彼土彼諸衆生都不覺知  
佛來去時善男子亦時最勝大仙成就聖辯  
諸天子侍衛諸天守護為降魔故至諸聚落  
諸城國邑為諸衆生廣敷演說此集一切福  
德三昧滿于千歲常演說法令八万四千衆  
生住聲聞乘八万四千衆生住緣覺乘八万  
四千衆生住於大乘八万四千衆生作轉輪  
王八万四千衆生作釋提桓因八万四千衆  
生得作梵王八万四千衆生修行於慈八万

四千衆生修行於悲八万四千衆生修行於  
喜八万四千衆生修行於捨無量衆生得生  
天上是最勝大仙後乃命終即往生彼淨名  
王佛普無垢土及八万四千天子亦生彼土  
善男子於意云何尔時最勝仙者豈異人乎  
汝勿有疑即我身是我本如是欲法敬法說  
誠實語便能感彼淨名王佛來至我所是以  
當知若有菩薩恭敬求法則於其人佛不涅  
槃法亦不滅何以故淨威若有菩薩專志成  
就求正法者雖在異土常面覩佛得聞正法  
淨威若菩薩摩訶薩欲法敬法令諸山巖樹  
木林藪出諸法藏陀羅尼門及諸經卷自來

在手淨威諸有菩薩敬法欲法若有諸天曾  
見佛者來至其所從於佛所得聞諸法具爲  
演說淨威利法菩薩若其壽盡諸佛卍尊增  
益其壽佛力持故欲住千歲即便能住二千  
三千四千五千乃至一劫若減一劫隨意得  
住淨威若有菩薩敬法欲法不羸不病得憶  
念力進趣智慧得於辯才若有菩薩敬法欲  
法得見佛已捨離諸見趣入正見淨威若有  
菩薩敬法欲法一切衆生無能侵害是故淨  
威是大衆生應當勤修多聞莊嚴所獲功德  
復過於是淨威若有菩薩住是三福莊嚴福  
柱廣福增福無盡福不思議無有能得是福

邊者淨威可以一毛數大海滴無有能盡是  
菩薩在嚴福聚淨戒多聞慧聚得其邊者淨  
威能稱三千大千世界草木山林及諸衆生  
得其輕重不能稱量如是菩薩在嚴福戒多  
聞慧聚得其邊者是名解說智在嚴已尔時  
淨威力士白佛言世尊布施在嚴淨戒在嚴  
多聞在嚴是三在嚴何者爲最何者爲勝佛  
言淨威三在嚴中多聞在嚴最可稱歎最勝  
尊上無上無上上善男子如須彌邊著一芥  
子而是施福及淨戒聚亦復如是猶如芥子  
多聞在嚴如須彌山善男子如一小鳥所住  
處空施戒在嚴亦復如是多聞在嚴如餘虛

空善男子布施莊嚴能作二事何等爲二能  
除貧窮成大封祿淨戒莊嚴亦作二事何等  
二一離惡道二至善處善男子多聞莊嚴亦  
作二事何等二謂能除去一切諸見能集一  
切智慧莊嚴善男子布施莊嚴是有漏報淨  
戒莊嚴亦有漏報善男子多聞莊嚴無漏無  
報是故善男子菩薩摩訶薩應勤精進修多  
聞慧說是施福淨戒多聞莊嚴法時三千衆  
生本種善根便發無上正真道心五千天子  
於諸法中遠離塵垢得法眼淨淨威力士得  
無生法忍卽時淨威力士白佛言世尊菩薩  
摩訶薩成就幾法疾能獲得無生法忍佛言

善男子菩薩成就四法疾能獲得無生法忍何等四謂解知身猶如鏡像解知言說猶如響聲解心如幻解諸法無二淨威當知菩薩成就是四法者疾能獲得無生法忍復次善男子菩薩摩訶薩成就四法疾能獲得無生法忍何等四謂慈普徧一切衆生無衆生想解諸法空不見所解觀見佛淨不以肉眼住於慧眼善分別心而不見心不依倚心善男子菩薩成就是四法者疾能獲得無生法忍復次善男子菩薩成就四法疾能獲得無生法忍何等四所謂不捨一切衆生捨離諸見護持淨戒寂一切結善男子菩薩成就四法

者疾能獲得無生法忍復次善男子菩薩成就四法疾能獲得無生法忍何等爲四謂有忍力法轉增勝勤行精進解法寂靜善男子菩薩成就是四法者疾能獲得無生法忍復次善男子菩薩成就四法疾能獲得無生法忍何等四所謂得禪而不依禪以慧分別無有戲論成就方便攝取衆生增長諸行善知諸行善男子菩薩成就是四法者疾能獲得無生法忍復次善男子菩薩成就四法疾能獲得無生法忍何等四謂以大慈救諸衆生謂以大悲不厭生死謂以大喜欣樂於法謂以大捨斷一切愛善男子菩薩成就是四法

者疾能獲得無生法忍復次善男子菩薩成  
就四法疾能獲得無生法忍何等四謂得三  
解脫門解知三世超過三界信法性無生善  
男子菩薩成就是四法者疾能獲得無生法  
忍演說如是諸四法時淨威力士得無生法  
忍歡喜踊躍上昇虛空高七多羅樹尔時三  
千大千世界六種震動人天伎樂同時俱作  
天雨華雲大光普照徧此世界尔時世尊即  
便微笑諸佛常法若微笑時若干百千青黃  
赤白紅紫等光從面門出徧照無量無邊世  
界上過梵世還遶身三帀從頂相入時大德  
阿難即從座起整衣服徧袒右肩右膝著地

合掌向佛白言世尊佛不妄笑今者世尊何緣  
而笑說偈問曰

得無上智無垢眼  
大光須弥金山色  
善知衆生諸根行  
得於無想最上智  
如過去佛及未來  
種種真實清淨行  
其身普徧諸佛界  
慈心普徧諸衆生  
自在智法如水月  
如空如電清淨法

諸根寂靜到彼岸  
導師以何因緣笑  
淨慧相應知三世  
面如滿月說笑緣  
現在諸佛尊亦亦  
善知一切如實義  
音聲亦滿諸佛界  
願說誰與智相應  
如幻化相亦如夢  
今人師子何緣笑

解空無相無願法  
如風遊行虛空中  
今佛智慧知誰心  
誰當坐於金剛座  
非是聲聞之境界  
是佛大海智境界

善知實性常調心  
惟願演說何緣笑  
誰應道樹下降魔  
人仙今者何緣笑  
亦非緣覺之所及  
願說所爲之因緣

余時佛告阿難汝今見是淨威力士住虛空  
不阿難是淨威力士過三百億阿僧祇劫當  
得作佛号多莊嚴王出現於世如來應供正  
遍覺明行足善逝世間解無上士調御丈夫  
天人師佛世尊於此東方國名嚴淨劫名梵  
歎阿難當知是多莊嚴王佛嚴淨國中當得

成佛其土豐樂安隱熾盛是諸人衆所受用  
物如瓊率天是莊嚴王佛不說餘法惟菩薩  
乘乃無聲聞緣覺乘名純菩薩僧皆得法忍  
無諸八難無有魔怨及諸外道彼佛壽命無  
有限量琉璃爲地閻浮那提金華以間錯之  
尔時淨威力士從空而下頂禮佛足合掌向  
佛求索出家佛即聽許尔時那羅延菩薩白  
言世尊未曾有耶善逝未曾有耶乃能以是  
勝妙善法善調衆生乃至能令如是憍慢竟  
勝衆生是等當見佛如來時即得歡喜除捨  
憍慢禮如來足如此淨威大慢力士除捨慢  
已得勝上法復能調伏無量衆生除捨憍慢

世尊是淨威力士為曾供養幾佛世尊種諸  
善根乃能如是速疾開解今時佛告那羅延  
菩薩那羅延是淨威力士曾於過世供養六  
十二億諸佛種諸善根從今已後當復值遇  
無量無邊阿僧祇佛恭敬供養尊重讚歎淨  
修梵行那羅延言世尊是淨威力士復以何  
緣懷大憍慢求佛覓勝佛告那羅延菩薩摩  
訶薩有四法忘菩提心何等四謂增上慢不  
敬重法輕善知識說不實語那羅延菩薩有  
此四法忘菩提心那羅延菩薩摩訶薩復有  
四法忘菩提心所謂讚歎趣向聲聞緣覺乘  
者河向大乘毀訾菩薩憒惜於法那羅延菩

薩有是四法忘菩提心那羅延菩薩復有四  
法忘菩提心何等四於諸衆生行幻惑術詐  
僞親近於善知識合偶言說爲利養故那羅  
延菩薩有是四法忘菩提心那羅延菩薩復  
有四法忘菩提心何等四不覺魔事不除業  
障志意羸弱無方便慧那羅延菩薩有是四  
法忘菩提心那羅延是淨威力士本造惡業  
忘菩提心我今當說汝善聽之乃往過世此  
賢劫中有佛出世号迦迦孫是佛法中有大  
婆羅門名曰善財起大憍慢得增上慢不往  
佛所憍慢增上與說正法諸婆羅門而共諍  
竟是憍慢故獲得現報退失多事謂不見佛

不聞正法亦不得聞趣向菩薩大乘之法亦  
不得聞諸天請法亦不得聞功德善根迴向  
菩提而不堅固爲此五惡法遮持故離菩提  
心那羅延於意云何尔時善財婆羅門者豈  
異人乎汝勿有疑即今淨威力士是也以憍  
慢故忘菩提心以菩提心本善根故不墮惡  
道雖成大力猶有憍慢佛力所持得聞佛力  
及菩薩力捨離傲慢得來見佛不作衆惡因  
本善根今現發起速疾得是無生法忍尔時  
那羅延菩薩語淨威力士汝住何法得無生  
忍而受記別淨威力士我生起諸凡夫法  
得受記別那羅延言云何而生淨威力士生

如不生如是生滅如不滅如是滅如是而生  
亦復不住那羅延言善男子若其尔者佛法  
凡夫法有何差別淨威荅言以文字故有差  
別耳若以其義則無差別那羅延言是凡夫  
法有何義耶淨威荅言無妄想無分別是凡  
夫法義那羅延言是義何趣淨威荅言而是  
義者離凡夫法趣於佛法那羅延言佛法有  
何義淨威荅言不作二是佛法義那羅延言  
善男子如佛所說依法不依人又復說言有  
二因緣起於正見何等爲二因外言聲內善  
思惟如是之義即是文字淨威荅言那羅延  
依法菩薩不取文字不取非文字若得文字

是即為義而是義者是不得義是故不依於  
義一切諸法都無有義何以故一切諸法不  
可得故非方不離方隨所住處即處自滅如  
佛所說畢竟滅相是名為義是故那羅延依  
義者無法可依無不可依若依非依是名為  
義那羅延言善男子頗有依義即是依於一  
切法耶淨威言有那羅延一切法空一切法  
寂一切法空依亦如是一切法寂依亦如是  
如是那羅延若依是義即依諸法那羅延言  
淨威若如是者一切諸法常自是依淨威荅  
言如是如是那羅延一切諸法皆第一義依  
第一義者彼得安樂彼應當求於第一義若

能不起法及非法不求二不求不二其名爲  
聖分別選擇而是選擇無作無不作若作無  
不作是名爲作所求求者義不相違淨威力  
士說是法時五百比丘不受諸法漏盡心得  
解脫八千天子遠離塵垢得法眼淨尔時那  
羅延菩薩語淨威力士如佛所說依義不依  
文然此衆生不解是義行於二行是不解文  
亦不解義爲是不解故說依義不依於文依  
文依義是義出過於諸文字善男子如佛所  
說有二因緣能生正見謂彼有人不聞正法  
調伏法中以少緣故便生歡喜言我出生死  
彼是增上慢本是增上慢爲勸是人令勤修

行彼聞法已即便修行趣於正道是故佛說  
聞已得知法 聞已不作惡 聞已離無利  
聞已得涅槃

那羅延言云何比丘念法相應淨威荅言無  
相應無不相應若能如是念法相應那羅延  
言彼修行者是語相應復次那羅延若有比  
丘與念法相應則不起瞋不起憍慢是名正  
思惟若有觀察說法去來現在若解所說為  
斷故說為解故說為修故說不得過去世之  
所作不得未來世之所作不得現在世之所  
作是正修行若正觀一切法性常滅是名正  
修思惟所見若見一切法性常寂是名修正

思惟所見若正觀一切法性常定是名修正  
思惟所見若正觀諸法畢竟不生是名修正  
思惟所見若正觀一切法實無常是名修正  
思惟所見若正觀一切法無常滅是名修正  
思惟所見若彼見者及以所見都不可見如  
如見如不見如是名為說示思惟是時世尊  
讚淨威力士善哉善哉善男子汝之所說  
如是相應若能如是則於諸法無有愚癡如  
是修行則無有障正修行者無縛無解何以  
故正思惟者於一切法無斷無趣若如是者  
名為正見見一切法如是正見云何正見謂  
不見法所言見者是說無生不實之言語不

實者說無生名如我所說諸法無生以慧初見若至正位名為正見若如是見名至正位以何因緣名為正位我與無我二俱平等如無我等諸法等起是名正位

集一切福德三昧經卷中

及

反醉	并	薑	下	地	孝	字	練
瘡	角	正	力	上	反	下	若
癩	芥	如	達	莫	必	者	下
盤	蛆	反	反	也	熊	而	而
音	行	音	廣	明	熊	譏	居
窠	毒	也	雅	反	上	反	依
窟	也	蟲	云	苗	音	疲	勞
下	上	未	蠶	音	似	音	皮
苦	助	見	蠶	音	豕	劫	也
骨	交	出	蠶	音	而	燒	下
反	反	處	也	義	大	照	詩
情	削	也	也	云	下	反	反
肉	思	也	也	二	音	虎	上
心	約	也	也	字	碑	亦	上
俱	愁	也	也	正	亦	亦	上
妹	願	也	也	正	亦	亦	上
反	慈	也	也	正	亦	亦	上
也	下	也	也	正	亦	亦	上

字下同關林藪下音沛字滴羸弱垂上力傲慢告上吾

集一切福德三昧經卷中

及



